

Inatsisartut suleriaasianni § 37 naapertorlugu matumuuna Naalakkersuisunut imaattunik apeqquteqaatinik saqqummiussivunga:

Apeqqutit:

- 1. Ukioq kingulleq ikiaroonartoq qanoq annertutigisoq arsaarinnissutaava?**
- 2. Allakkeriviit aqqutigalugit qanoq annertutigisoq ikiaroonartoq eqquteriarneqarsimava?**
- 3. Aamma qasseriaq eqqusseriartoqarsimanerani paasisaasoqarpa pisarinnittoqarlunilu?**
- 4. Umiarsuit atlantikoq ikaarlugu ingerlaartut ikiaroonartumik eqqusseriarnermi ator-neqarsimappat?**
- 5. ikiaroonartumik eqqussuineq akiorniarlugu Naalakkersuisunit Danskit ministerii qanoq sutigullu suleqatigineqarpat?**

(Inatsisartuni ilaasortaq Ineqi Kielsen, Siumut)

Tunnqavilersuut:

Ukiuni kingullerni ikiaroonartumik atuinerup annertusiartornera ernumanartoq inuiaqatigiinni takussaavoq.

Ima ikiaroonartoq nunatsinni ajornartorsiutaalersimatigaaq allaat 2014-imi misissuinermi meeqqat 15-init 17 tikillugit ukiullit 27%-ii ikiaroonartumik Hashimik misiliinikuusimallutik.

Ikiaroonartorlu naluneqanngittuut avataaniit eqqussorneqarpoq, taamaammatt ikiaroonartumik atuinerup annikillisinnissaa annertunerusumik nakkutilliinikkut ikiaroonartuerusaanikkullu pisinnaavoq, tamanna ikiaroonartup arsaarinnissutaasup ilisimasaqarfigineratigut aqqusinermilu tuninarneqartup missingersorneqartarnera naapertorlugu iliuuseqarfissap annertussusaa inissinneqarsinnaalluni. Taamaattumik siorna ukioq 2014-imi ikiaroonartoq qanoq annertutigisoq eqqusseriarnerni arsaarinnissutaanersoq soqutiginarpoq.

Kissaatigaara apeqquteqaatima ullut qulit suliffiusut qaangiutsinnagit akineqarnissaat.